



Udruženje građana
Ne diskriminacija, ne mobbing
tel: 066 208 387
email: info@ndnm.ba
www.ndnm.ba

Identifikacioni broj
4210487470006
Broj transakcijskog računa kod
MP Banks AD Banja Luka
572-396-00005071-66

Ministarstvo pravde Bosne i Hercegovine
Upravni inspektorat
Trg Bosne i Hercegovine 1
71000 Sarajevo

Predmet: INFORMACIJA, traži se

Veza: Vaša Obavijest broj 10-07-12-1109/23 od 13.03.2023.g.

Poštovani,

Dopisom broj 10-07-12-1109/23 od 13.03.2023.g. obavijestili ste nas da ste postupajući po našoj inicijativi za vršenjem inspekcijskog nadzora u Upravi za indirektno oporezivanje BiH zbog onemogućavanja ostvarivanja prava na slobodan pristup informacijama, utvrdili da je Uprava za indirektno oporezivanje BiH postupajući po našem zahtjevu za pristup informacijama od 30.11.2023.g. donijela rješenje broj 01/3-50-4-UP/1-31-3/22 od 26.01.2023.g., koje je prema podacima iz dostavnice zaprimnjeno 06.02.2023.g. Imajući u vidu da je Uprava za indirektno oporezivanje BiH postupila po našem zahtjevu i odobrila pristup informacijama zaključili ste da ovaj Inspektorat u okvirima propisanih nadležnosti nije pronašao osnovu za nalažanje upravnih mjera kojima raspolaže u okvirima istih.

Na početku moramo Vam skrenuti pažnju da se naše Udruženje nije obraćalo Vašem Inspektoratu sa inicijativom za inspekcijski nadzor nego sa zahtjevom za zaštitom prava na slobodan pristup informacijama u smislu člana 22b stav 2. Zakona o slobodi pristupa informacijama BiH. Navedenim članom Zakona propisano je da svako fizičko ili pravno lice kao podnosilac zahtjeva ima pravo da podnese zahtjev, odnosno da se obrati usmeno ili pisanim aktom, upravnoj inspekciji radi zaštite prava na slobodan pristup informacijama kada im javni organ onemogućava ostvarivanje prava utvrđenih ovim zakonom.

Očekivali smo da će Vaš Inspektorat postupiti u skladu sa članom 22b stav 3. Zakona, odnosno sačiniti zapisnik o izvršenom inspekcijskom nadzoru koji sadrži utvrđeno činjenično stanje kao i nepravilnosti u radu Uprave za indirektno oporezivanje BiH. Iz naše ranije korespodencije poznate su Vam činjenice da se naše Udruženje dana 18.11.2022.g. elektronskim putem obratilo Upravi za indirektno oporezivanje Bosne i Hercegovine sa zahtjevom za pristup informacijama, te tražio dostavu informacija koje su pod kontrolom ovog organa. Uprava za indirektno oporezivanje BiH nije postupila po zahtjevu, zbog čega je naše Udruženje 28.11.2022. ponovo uputilo zahtjev preporučenom poštanskim putem. S obzirom da Uprava za indirektno oporezivanje BiH ponovo nije postupila po zahtjevu, dana 28.12.2022.g. se takođe obratilo Instituciji ombudsmana za ljudska prava BiH.

Poslednje što smo očekivali je da ćete izvršiti posredni inspekcijski nadzor i konstatovati da „Niste pronašli osnov za naganje upravnih mjera kojima raspolaže Inspektorat u okviru svojih nadležnosti“. S tim u vezi ističemo da se nikako ne možemo složiti sa Vašim zaključkom, jer je u konkretnom slučaju Uprava za indirektno oporezivanje BiH prekršila Zakonom propisani rok za postupanje po zahtjevu i donošenje rješenja, a što ste mogli zaključiti i vršenjem posrednog nadzora jer ste vršili uvid u dostavljene akte, podatke i drugu dokumentaciju.

Okolnost da je Uprava naknadno postupila po zahtjevu i donijela rješenje ne oslobađa je odgovornosti za izvršeni prekršaj. Odredbama Zakona o slobodi pristupa informacijama BiH jasno i nedvosmisleno propisano da će se **novčanom kaznom u iznosu od 1.000 KM do 15.000 KM kazniti za prekršaj nadležni javni organ ako prekrši rok od 15 dana za donošenje rješenja**. Zakonom propisani rok počinje da teče od dana prijema zahtjeva za pristup informacijama. Kada bismo uzeli u obzir i odredbu člana 14. stav 5. Zakona o slobodi pristupa informacijama BiH (a što nije ovdje nije bio sličaj) u kojem je propisan kada se rok može produžiti za još 15 dana i kako postupiti u tim situacijama, opet je došlo do nepostupanju po propisanim rokovima, **koje se ogleda u mjesecima a ne danima**.

Članom 84. Zakona o upravi Bosne i Hercegovine, između ostalog, normirano je da upravni inspektor u vršenju inspekcijskog nadzora nad izvršavanjem zakona i drugih propisa vrši nadzor naročito u pogledu rješavanja upravnih stvari u propisanim rokovima. U članu 89. istog Zakona navodi se da građani, javne korporacije, komore, javna preduzeća, agencije i druga pravna lica imaju pravo da se, radi zaštite svojih prava utvrđenih ovim zakonom i drugim propisima, obraćaju usmeno ili pismeno upravnom inspektoratu u svim slučajevima kad im se na bilo koji način otežava da brzo i jednostavno ostvaruju svoja prava i pravne interese ili izvršavaju svoje obaveze kod organa uprave, agencije ili institucije sa javnim ovlaštenjima, a naročito ako im se u zakonom propisanom roku ne rješavaju zahtjevi i žalbe u upravnom postupku. Upravni inspektor obavezan je odmah postupiti po takvom zahtjevu na način utvrđen odredbama člana 73. stav 3. ovog Zakona, odnosno dužan je da zatraži izjašnjenje od organa na čiji se rad navodi u inicijativi odnose ili da izvrši neposredan inspekcijski nadzor.

Zbog svega navedenog, obraćamo Vam se pozivajući se na odredbe Zakona o slobodi pristupa informacijama te tražimo da nam dostavite :
kopiju izjašnjenja Uprave za indirektno oporezivanje na naše navode o kršenju Zakona o slobodi pristupa informacijama,
kopiju zapisnika o izvršenom inspekcijskom nadzoru u konkretnom slučaju i
zbirni godišnji izvještaj Upravnog inspektorata o rješavanju upravnih stvari u upravnom postupku za 2022.g.

Molimo Vas da naš zahtjev obradite u skladu sa odredbama Zakona o slobodi pristupa informacijama BiH, te nam odobrite pristup traženim informacijama, na način da nam se iste dostave na adresu Mustafe Hukića 33 u Tuzli.

U Tuzli, 24.04.2023. godine



Zorica Esmir

Predsjednik udruženja

Misija: Udruženje koje se bori za jednakost i ravnopravnost građana u svim sferama života, sa naglaskom na radno-pravne odnose i borbu protiv mobinga kao jednog od oblika diskriminacije i sredstvo poslodavaca i političkih stranaka kojim drže u strahu radnike, zaposlenike i državne službenike.

Vizija: Ravnopravno društvo bez diskriminacije po bilo kojem osnovu